



GETHSEMANI RÂWL

(Monthly Prayer Bulletin of Hmar Christian Fellowship Delhi)

Volume No. II | Issue No. 10 | Changer (October), 2024

'Ienga khawm lunginzîng naw ro, iengkimah ãawngtai le hniin, lawmthu hril sa peiin, in dithai chu Pathien kuomah inhrietirin um lem raw se' (Filippi 4:6)

A mi suknawmnatuhai/sukdûdâtuhai ãawngtai pêk dingin Lal Isu'n a mi'n chûktir (Mathai 5:44, Luka 6:28). A châng chun ei khuo-le-vêng chanpui, ei kohran chanpuihai ãawngtai pêk khawm harsa ei ti hlak. Hmêlma ena mi entu, ei sietna ding zawngtu le mi suknawmnatuhai ta dinga ãawngtai lem chu thil harsa tak ni ngêi a tih. Sienkhawm suolna chu suolna bawka ei dolêit/thungrul chun suol a dingchang tîna nînga t'a, suol i hnein ei um tîna ni bawka a tih. Bible-in "Suol hnein um naw la, suol chu ãatnain hne lem rawh." a lo tih (Rom 12:21). Lal Isu'n kraws-ah, "Pa, anni hi ngaidam rawh, an thil thaw hi an hriet naw a ni hi", tiin misuolhai ta dingin a ãawngtai (Luka 23:34). Lunga an dêng mur mur lai Stefan chu "Lalpa Isu, ka thlarau la rawh" tia ãawngtaiin, "Lalpa, an thil suol thaw maw hi an chungah intlâktir naw rawh" tiin lunga dêngtuhai tadingin Pathien kuomah a ngên pêk (Thilthawhai 7:59-60). ãawngtai hi hmelma ngam theina le mi danghai chungah hmangaina insângtak ei inlangtir theina a nih.

LAWMTHU HRILNA

• ãawngtai, thilpêk le thaaw rawngbawlna hun tha pêkin ei um. • Ei rawngbawlna Lalpa'n mal-sawmin, ringthar pêk belsain ei um pei.

DAMNAWHAI TA DIN

• Pi Lallawmsang, Pi Rebecca Buhiril, Pu Sieka Singson, Pi Joani Darlienhnem, Pi Deliver le Pi Esther Lalramhuol hai cancer inenkawl mêk.

DAMNAWHAI TA DIN

• Tv. Abraham Hmangailien, chuop tieng inenkawl. • Pi Esther Amaw, a kala lung um ât ding. • Pu Thangsang Varte, pângngaia a lâwn theina ding le Pu Lalsiemlien Khawbung a dam peina din. • Pu Doa, zuntlum le taksa chaw leia inenkawl zing. • Nk. Lalmalsâwm, tha tienga harsatna nei. • Pu Zosangpui, mit tieng inenkawl le cõrnea transplant thaw zo, a dam peina din. • Pi Lalremsâng, lungphu le medicine doctor pana inenkawl. • Pi Lalmu-onkim, lu le âwm tieng inenkawl. • Pi Lalneikim Inbuon, chuop tieng inenkawl

01.10.2024 (Thawleni)

• Inchûklai le competitive exam. ding haiin tuta thla sùng lekha tha taka an tiem theina ding le exam. tha taka an thaw theina din. • Sawrkâr le private-a sinthawtuhai khawmin tuta thla sùng hin sin tha taka an thaw seng theina din. • Mimal sumdâwngtuhai khawmin hlâwk le tuong taka hma an lâk seng theina din. • Ei khawtlânga vântlâng hrisêlna tha a um theina din.

02.10.2024 (Nilaini)

• HCFD Nilaini Zân ãawngtai Inkhâwm-Inkhâwm Keihruoit: Pu Abraham Pangamte, Thuhritu: Pu Darsuothang Khawbung. • Hari Vihar Centre-ah Pathien Thlarau Thienghlim sinthawna a'n lang theina ding le sùngkuo a ringtu iemani zât bêk an um theina din.

03.10.2024 (Ningani)

• Shikohabad, UP Mission Field: I. Kohran mipuihai Pathien thutak le thlarauah an in-thanglien peina ding le ãawngtai dân khawm Thlarau Thienghlimin a'n chûktir peina din. II. Kohran-haiin Pathien thu an hriet le dawnghai mi danghai kuomah hril dar nuomna lungril an nei peina din. III. Naupang laia rawngbawlna, Tuition le Sande Sikul, Lalpa'n mal a sâwm zawm peina ding le ei misawnari-hai nupa naupang enkawl thiemna le inchûktir thiemna Lalpa'n a pêkna ding khawmin.

04.10.2024 (Zirtâwpni)

• Bethany Convent School: I. Thawktuhai taksa hrisêlna tha tak an nei pei theina ding le naupanghai Pathien dit dâna an enkawl theina din II. ãawng thua harsatna nei (ãawng fie theilo le ãawng thei si ãawng nuom thak lo) naupang iemani zât an um a, tha taka enkawl an ni theina dinga zirtirtuhai ta din Pathien ãangpuina. **05.10.2024 (Inrinnei)**

• HCFD October Beiruol, 2024 (Thupui: Mani le

Sùngkuo nunah Pathien Lalram Intlungtir) taksa le thlarauah hlâwkpuina nasa tak neia ei hmang seng theina din. Vawisûn hin Munirka, Gurugram, Rest of Delhi le Vasant Kunj vêngbukhaiin Beiruol thâwk-khatna an hmang ding. • Mahipalpur Hindi Service khawm a fe tuong peia, Pathien kuomah lawmthu hril zingin Kohran det tak a ngîr theina ding le ringthar an pung peina din.

06.10.2024 (Pathiennei)

• HCFD Chawibiek Inkhâwm-Inkhâwm Keihruoit: Dr. Jehova Jire Hmar, Tantu: Pi Daisy Infimate, Thuhritu: Pastor Lalditsak Inbuon, Pastoral Prayer: Pastor Lalditsak Inbuon. • Tuta thla HCFD Chawibiek Inkhâwm huna RK Puram-Moti Bagh Vêngbuk a'nthawka usher ding haiin (Nk. Cicy Zirsangzeli – Leader, Nk. Julie Vanlalruati, Nk. Agnes Hrangchal, Nk. Janet Lalremsiem, Nk. Alicia, Nk. Remnapalai, Nk. Judy Lalparmawi, Tv. Henry Lalramsiam – Leader, Tv. Venson Varte, Tv. Christopher Inbuon, Tv. David Lalthangsei le Tv. Alpha Chhangte) an rawngbawlna tha taka an phursuok theina din.

07.10.2024 (Thawtanni)

• Shiv Vihar le Hari Vihar haia rawngbawlna le inzawmin: I. Shiv Vihar Nuhmei Pâwlin Exodus an inchûk a, Pathien thu hrietnaah an in-thanglien pei theina din. Chun Sept. 2024 a'nt-hawk khan Lilma, UP-a unaunu Reshma rawngbawlna thla tin chêng 2000 a ãangpui dingin an thaw ãan a, tha taka an thaw thei peina din. II. Hari Vihar-ah naupang tuition ding tulai hin an um mumal naw a, naupang an hung pung pei theina ding le a enkawltuhaiin (Tv. Jacob le Ms. Renuka) Pathien ãangpuina an dawng pei theina din. **08.10.2024 (Thawleni)**

• Shikohabad, UP Mission Field: I. Pathienien biek-in a mi vêngnim pêk zawm peina din. II. Thalai inkhâwmna a hlawtling peina ding le

inkhâwm nuomna lungril an nei peina din. III. Thalaihai sin tha an hmuna ding le kawppui tha Lalpa'n a pêkna din.

09.10.2024 (Nilaini)

• HCFD Nilaini Zân ãawngtai Inkhâwm-Inkhâwm Keihruoit: Tv. Rozarlien Khawbung, Thuhritu: Pastor Steven L. Infimate. • Ei member Nk. Ruth Zoñahnieng Sinate-in a enkawl Parvah Tuition Centre: Mr. Kamal-in liver transplant a nei theina dinga donor a hmu vat theina din. Hi Centre-a lo inchûk hlak naupang ãenkhatin sin an hmu tah a, a ãen sin la hmu lo le sin zawng mêk an um bawka a, an rêngin sin an hmu seng theina din. **10.10.2024 (Ningani)**

• India rama sukdûdâna tuok ringtu ãenkhata ta din: Evan. Rakesh Kumar chu Sept. 1, 2024 khan Chhattisgarh-a Balod hmunah ringnawtu ãenkhatin an vuoka a, police station-ah an ãhuoi. Sept 1, 2024 khan Pastor Prem (Bhadohi, UP) chu indiklo taka hêk le police camp a ãhuoi a nih. Sept 1, 2024 khan Pastor Selva-in (Bhadohi, UP) inkhâwmna hun buotsai dinga a'n sing-sa mêk lai chu ringnawtu ãenkhatin sawisakin, that ding chenin an vau.

11.10.2024 (Zirtâwpni)

• HCFD le All India HCFs haiin Chanchintha puongdarna sinah hrattlema hma ei pan seng theina din (Mathai 28:19-20, Marka 16:15) • Khawvel pumpuia Chanchintha hrat lema puongdar a hung ni theina ding le Bible semdar sin hrattlema a fe theina din. • Khawvela ãawng (language) 7396 a um laiin ãawng 736 chau-in (9.95%) Bible pumpui tiem theiina a la um phâk ãawk a, Thuthlung Thar hi ãawng 1658 (22.41%) in tiem theiina a um (wycliffe.net). Khawvela mihriem tûkledingawn 8 um hai lai mihriem tûkledingawn 3.4 hai (Unreached People Groups) chun Chanchintha hi an la hrietnaw/

dawng mumal nawh (globalfrontiermissions.org).

12.10.2024 (Inrinni)

•HCFD October Beiruol, 2024 (Thupui: Mani le Sûngkuo nunah Pathien Lalram Intlungtir) taksa le thlarauah hlâwkpuina nasa tak neia ei hmanh seng theina din. Vawisûn hin Dwarka, West Delhi, North Delhi le Meshangarh vêngbukhaiin Beiruol Thâwk-hnina an hmanh ding.

13.10.2024 (Pathienni)

•HCFD Chawibiek Inkhâwm-Inkhâwm Keihruoi-tu: Pu Robert Penatu, Tantu: Pi Chongpi, Thuhrlitu: Pastor Steven L. Infimate, Pastoral Prayer: Pastor Steven L. Infimate. •Chhattisgarh-a ringtu hnawchêpna hmasuon mêkhai ta din: Sept. 2, 2024 khan Bastar-a khuo pakhat ringtu thenkathai chu an lohah-ah thlai an chng ding an phal pêk nawh. Sept. 15, 2024 khan Evan. Rajneesh le a ringtu chanpui pakhat chu ringnawtu thenkatin thukhêla intumin, thubuo an siemkhum.

14.10.2024 (Thawtanni)

•HCFD Naupang Sande Sikul Deptt.: I. November 3, 2024-a Naupang Sande Sikul Day hmanh ding inbuotsai mêk a nih a, inpuochanahai tluong taka a fe theina ding le buoina dang umloa a hunah prawkram tha taka hmanh a ni theina din. II. Naupanghai le hotuhaiin taksa hrisêlna tha an nei theina ding le naupanghai ta din taksa le thlaraua inthanglienna tha.

15.10.2024 (Thawleni)

•HCFD Executive Committee memberhai ta din
•Madhya Pradesh-a rawngbawltu thenkhat nêkchêpna tuokhai ta din: Sept. 11, 2024 khan ringnawtu thenkatin Pastor Kamal le a sênghai chungah tharum chelekin, ringnawtuhai sakhuona thil le inzawma an thil thawnah an inthangluitir. Sept. 22, 2024 khan Pastor Vinod chu a rawngbawlna le inzawmin ringnawtu thenkatin an inthithe. **16.10.2024 (Nilaini)**

•HCFD Nilaini Zân Tawngtai Inkhâwm-Inkhâwm Keihruoi-tu: Pu Jacob Shakum, Thuhrlitu: Pu Thanglalmuon Hrangchal •India ram North East States (Manipur, Nagaland le Assam) hai a helna le ralthuom chelekn chi dang dang hai sawrkâr tlungpuiin tha taka a chingfel vat theina ding, remna-le-muongna a umna ding le hmasawna hratlema a hung um theina din.

17.10.2024 (Ningani)

•Shikohabad, UP-a rawngbawlna le inzawmin: I. Baptisma la tharhaiin Pathien keihruoina changa, ringnaah nghet taka an ngir zingna din. II. A hnuaia an hming târlanga um mi thar (New Contact) thenkathai lungrilah Thlarau Thienghlimin sin a thawa, sandamna an hung chang ve ngêina din: i) Pu Ramanan le Pi Kalabati hai nupaii) Pu Sashi Kapur le Pi Maharani hai nupa le an nauhai (Ms. Monika, Ms. Mohini, Mr. Arun le Mr. Abhimanyu.) iii) Pi Rani Devi hai sêngkuo. A nauhai – Pu Ravi le a nuhmei Pi Manisha, Pu Lakhan le a nuhmei Pi Kiran, Mr. Karan, Mr. Rahul le Mr. Sachin. iv) Ms. Madhu le Ms. Kajal.

18.10.2024 (Zirtâwpni)

•Shiv Vihar Mission Field: I. Inkhâwm zâtin mi thar hmel hmu ding an um deu zinga, Pathien kuomah lawm thu hrilin, hieng mi thar hai hin sandamna chieng taka an hriet theina din. II.

Kohran member-hai ringnaah an inthanglien pei theina ding le suknamnatna le hnengdêna an tuok châng khawma det taka ringna an chel tlat theina din. III. Tulai hin ringtuhai an in haiah kanin, Krista hminga tuor ngam ding le thi ngam ding a ni thu hrilin, counselling nei hlak a ni a, Pathien Thlarau a'nthawka huoisennaa inthuum an ni pei theina din.

19.10.2024 (Inrinni)

•HCFD October Beiruol, 2024 (Thupui: Mani le Sûngkuo nunah Pathien Lalram Intlungtir) taksa le thlarauah hlâwkpuina nasa tak neia ei hmanh seng theina din. Vawisûn hin RK Puram-Moti Bagh, Mahipalpur le Safdarjung vêngbukhaiin Beiruol Thâwk-thumna an hmanh ding.

20.10.2024 (Pathienni)

•HCFD Chawibiek Inkhâwm-Inkhâwm Keihruoi-tu: Pu Lalramhuol Hrangchal, Tantu: Pi Lawmnakim Hrangchal, Thuhrlitu: Pastor El Darn-gawn, Pastoral Prayer: Pastor El Darn-gawn.

•Ei Bible inçhûklaihai Pu Lalngilnei Khawbung le Tv. Vijay hai an inçhûkna a fe tluong peia, hmabâk khawm tha taka an thaw zawm pei theina din. November thla khin 2nd Semester exam. tâwpna tak dawt an nei ding.

21.10.2024 (Thawtanni)

•Pastorhai (Lalsiesang Zote, Lalditsak Inbuon, Steven L. Infimate, Lalthlanglien Sûngte, El Darn-gawn le James Zara Joute) le ei Upa Dr. Lalsiemlien Pulamte, hai Lalpa'n taksa le thlarauah hratna thara a'n tuom peina din.

•Ei misawnari haiin (Pu Lalngilnei Khawbung, Pu Vanlaltlan Amaw, Pu Paozamuon, Pu Pramod Kumar hai sêngkuo) Pathien sukhratna le thawpuina a'n dawng thar peina ding le Chanchintha hriidarna hmangruoah nasa lema hmanh an ni pei theina din.

22.10.2024 (Thawleni)

•Hmar hnam ta din: I. Hmarbiel le Vangaitlâng (Manipur)-Mizoram infepawna lampui tha a hung um vat theina din II. Inçhûkna le fâk-le-dâwn thilah hratlema hmasawna III. Inrui thei ngawlvawinaa (drug addiction/abuse) intâng abiktakin thalai tamtak hai chu inrui thei a'nthawka an hung zalên theina din IV. Hnam thuoituhai ta din.

23.10.2024 (Nilaini)

•HCFD Nilaini Zân Tawngtai Inkhâwm-Inkhâwm Keihruoi-tu: Pu Lalthlanglien Inbuon. •HCFD-in IEM-a misawnari ei support Rev. Suraj Majhi le a sênghai (Bathinda Mission Field, Punjab a rawngbawl) ta din. Ringnawtuhai lakah Lalpa'n a vêngghim peina ding le ringthar pêk belsaa an um peina din. An nauhai Mr. Samarth le Mr. Samarpan haiin an lekha inçhûkna tha taka an thaw pei theina din.

24.10.2024 (Ningani)

•Shikohabad, UP-a rawngbawlna: I. Evan. Pramod hai nupa le Evan. Paozamuon hai nupain taksa le thlarauah hrâtina le hrisêlna tha dawn-ga, rawngbawlna hlâwk taka an nei peina din. II. Music (guitar, congo) inçhûk nuom an um zeu zeua. Rawngbawlna hmangruo tha taka a hung inchang peina din. III. Tui (water connection) le lampui (road) tha a hung um vat theina din.

25.10.2024 (Zirtâwpni)

•HCFD DoM&YA- I. Thalai rawngbawlna bîkhai

Lalpa'n tamlema mal a sâwm peina din. II. Thalai Inkhâwmpui ding inpuochana hai po po tluong-taka a fe peina din. •India rama hin Chanchintha hrat lema a'n darzâu peina ding le misawnarihai ta din: July 10, 2024 khan Hyderabad-ah nuhmei evangelist sâwmpakhat-hai chu thawluina hmanga sikul naupang thenkhat sakhuona inlettir tum nia intumin an um. Thubuo indiklo taka siemkhum an um a, an lirthei pathum police haiin an lâk pêk baw. Hieng evangelist-hai hi Chanchintha hril le Bible sem peiin, hmun dang dang sira, inzin an nih.

26.10.2024 (Inrinni)

•HCFD Nuhmei Deptt. ta din: I. Nuhaiin taksa le thlarauah Pathien malsawmna an dawng thar peina din. II. Rawngbawlna (Faithâm, Faith Promise le dang dang) Lalpa'n tam lema mal a sâwm peina din. •Manipur buoina chingfel a ni vat theina din. •Myanmar buoina a re theina ding le mipui insawrkâna a ngir nâwk theina din.

27.10.2024 (Pathienni)

•HCFD Chawibiek Inkhâwm-Inkhâwm Keihruoi-tu: Pu Jacob Shakum, Tantu: Pi Chonghoi Inbuon, Thuhrlitu: Pastor Lalsiesang Zote, Pastoral Prayer: Pastor Lalsiesang Zote •HCFD Media Team le Worship Team ta din.

28.10.2024 (Thawtanni)

•Shikohabad, UP Mission Field: I. Sivara, Farukhabad hmunah Pi Rajrani-in mi iemani zât ko khâwmîn, inkhâwmna a neipui hlaka. Lalpa thuoina le vêngghimna changa, an inkhâwm zawm pei theina din. II. Shikohabad le a sevêlah Chanchintha a'n darzâu peina ding le biekin mi tamlemin an hung pan peina din III. Lilma-a Pi Reshma a rawngbawlna Lalpa'n mal a sâwm peina ding le member an pung peina din.

29.10.2024 (Thawleni)

•HCFD Vêngbuk Inkhâwm a thuoituhai ta din.
•Ei biekin hmun thubuo (land case) sukfel a ni vat theina ding le biekin ei hung nei vat theina din. •HSA Jt. Hqtrs. Delhi le DHWA thuoituhai ta din.

30.10.2024 (Nilaini)

•HCFD Nilaini Zân Tawngtai Inkhâwm-Inkhâwm Keihruoi-tu: Tv. Lalramsiem Hrangchal, Thuhrlitu: Pastor Lalthlanglien Sungte •Uttar Pradesh (UP)-a ringtuhai nêkchêpna a hluor nasa êm êm. Sept. 4, 2024 khan Pastor Rahul chungah thubuo indiklo taka zieklût a nina le inzawmin police-in an thuo. Sept 6, 2024 khan indiklo taka thubuo siemkhum an ni leiin Pastor Vikas le a pa police camp-ah thuo an nih. Sept 7, 2024 khan Sitapur-ah ringtu pakhat chu Chanchintha a hril leiin sawrkâr thuneituhaiin an thuo. Sept. 8, 2024 khan Fatehpur-ah Pastor Ramshree indiklo taka hêkin a um leiin, police camp a thuo a nih. UP-a kristienhaiin hnawchêpna le dodâl-na nasa tak kârah huoisin taka Chanchintha puongdarna sin hratlema an phur suok theina din.

31.10.2024 (Ningani)

•Thla tâwp thuoitlunga ei um leiin Pathien kuoma lawmthu hrilna. •Suolthuphachawina (1 John 1:9-10) le Pathien kuoma inhlantharna (Rom 12:1-2).

Please visit HCFD official website:
<https://hcfid.in/>